



**DATUM OBJAVE:** 12.02.2024. godine

Na osnovu člana 58. Zakona o policijskim službenicima Kantona Sarajevo ("Službene novine Kantona Sarajevo," br. 38/18, 26/19 i 39/20), člana 21. i 22. a u vezi sa članom 23. stav (2) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21), te člana 3. stav (1) tačka c) Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 14/23), Komisija za izbor objavljuje:

## **O B A V J E Š T E N J E**

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "MLADI INSPEKTOR"- 30 izvršilaca, objavljenom dana 25.08.2023. godine, ostvarili eliminacioni prag na Testu opšteg znanja i Testu fizičke sposobnosti da je Komisija za izbor izvršila bodovanje kriterija propisanih Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 38/20 i 28/21).

Nakon izvršenog bodovanja kriterija propisanih navedenom Uredbom, kandidati koji su ostvarili eliminacioni prag na testu opšteg znanja i testu fizičke sposobnosti rangirani su prema ostvarenim rezultatima u **TABELI - Spisak kandidata koji su ostvarili eliminacioni prag na testu opšteg znanja i testu fizičke sposobnosti, nakon bodovanja po Uredbi, rangirani prema ostvarenim rezultatima, opadajućim slijedom sa terminima ljekarskog pregleda.**

Navedenih 30 (trideset) kandidata pobrojanih u TABELI, upućuju se na ljekarski pregled u JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo, sa sjedištem **na adresi Alije Isakovića br. 3, Sarajevo**, u vremenu i po grupama kandidata prema rasporedu prikazanom u navedenoj tabeli.

**Prije ljekarskog pregleda, kandidatima će se utvrditi identitet, te su dužni sa sobom imati ličnu kartu ili drugi važeći identifikacioni dokument sa fotografijom. Kandidati će od strane ovlaštenog uposlenika Zavoda i ovlaštenog predstavnika Komisije za izbor dobiti dalje upute o provođenju ljekarskog pregleda.**

Utvrđivanje zdravstvene sposobnosti provodit će se prema odredbama Pravilnika o kriterijima i

načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 14/23), te prema Metodologiji Ljekarskog pregleda kandidata za popunu upražnjenih radnih mjesta policijskih službenika u početnom činu "mlađi inspektor" br. 04-6-1399/23 od 26.07.2023. godine, objavljenoj na oglasnoj ploči i na internet stranici Ministarstva prilikom objave Javnog konkursa dana 25.08.2023. godine.

Shodno Metodologiji Ljekarskog pregleda kandidata za popunu upražnjenih radnih mjesta policijskih službenika u početnom činu "mlađi inspektor", ljekarski pregled će obuhvatiti opštu i posebnu zdravstvenu sposobnost kandidata.

U skladu sa Metodologijom, **kandidati su prilikom provođenja ljekarskog pregleda dužni sa sobom donijeti Potvrdu javne zdravstvene ustanove u kojoj kandidat ima otvoren zdravstveni karton, a koju će izdati izabrani ljekar primarne zdravstvene zaštite, te na osnovu koje će se utvrditi porodična i lična anamneza.** Obrazac navedene potvrde objavljen je kao prilog Metodologije (Prilog 2), s tim da Komisija za izbor isti objavljuje ponovo u prilogu ovog Obavještenja.

Kandidati koji pristupe ljekarskom pregledu dužni su potpisati izjavu kojom će dati saglasnost da Zavod za zdravstvenu zaštitu zaposlenika Ministarstva unutrašnjih poslova Kantona Sarajevo obrađuje njihove lične podatke dok za to postoje objektivni razlozi. Prilikom pristupanja ljekarskom pregledu kandidatima će biti dostupna izjava koju su dužni popunjenu i potpisanu predati medicinskom osoblju nakon čega pristupaju proceduri provjere zdravstvene sposobnosti.

Opšta i posebna zdravstvena sposobnost za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete, utvrđuje se ocjenom „sposoban za obavljanje poslova policijskog službenika” ili „nesposoban za obavljanje poslova policijskog službenika”. JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo će obavijestiti kandidate o ocjeni opšte i posebne zdravstvene sposobnosti.

**Nepristupanje ili kašnjenje kandidata iz bilo kojeg razloga zakazanom terminu Ljekarskog pregleda smatra se kao odustanak kandidata od podnesene prijave na javni konkurs.**

Obavještavaju se kandidati koji su stekli pravo pristupa ljekarskom pregledu da u danima prije termina određenog za ljekarski pregled, ne smiju koristiti bilo kakve medikamente ili druge supstance koji mogu utjecati na rezultate nalaza krvi (sve vrste sirupa protiv kašlja, hrana sa sastojcima maka i slično), kao i da prilikom ljekarskog pregleda trebaju obavijestiti ljekara o eventualnoj terapiji koja može utjecati na rezultate nalaza krvi. Kandidati na dan ljekarskog pregleda, prije istog ne smiju konzumirati piće i hranu.

Nakon okončanog ljekarskog pregleda kandidata, a ukoliko neki od kandidata ne prođe/ne prođu ljekarski pregled, isti se isključuje/isključuju iz procesa odabira.

Ocjenu opšte i posebne zdravstvene sposobnosti odnosno Ljekarsko uvjerenje o zdravstvenoj sposobnosti kandidati u proceduri zapošljavanja, **dostavljaju Komisiji za izbor Uprave policije najkasnije u roku od 8 (osam) dana od završetka pregleda**, neposredno na Pisarnicu Ministarstva ili putem preporučene pošte na adresu:

**“Uprava policije MUP-a Kantona Sarajevo, ul. La Benevolencije broj 16, 71000 Sarajevo”, sa naznakom “Komisija za izbor za čin “MLAĐI INSPEKTOR” - Ljekarsko uvjerenje - NE OTVARATI”.**

Ako kandidat koji se upućuje na ljekarski pregled u proceduri zapošljavanja i upućivanja na osnovnu obuku za kadete ne pristupi ljekarskom pregledu ili ne dostavi potvrdu i/ili ovjereni izvod iz ličnog zdravstvenog kartona koju izdaje izabrani ljekar primarne zdravstvene zaštite ili u ostavljenom roku Komisiji za izbor ne dostavi ljekarsko uvjerenje o zdravstvenoj sposobnosti za obavljanje poslova i zadataka policijskog službenika, Komisija za izbor Uprave policije isključuje takve kandidate iz dalje procedure zapošljavanja i upućivanja na osnovnu obuku za kadete.

Žalba na ovu obavijest nije propisana Zakonom o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20) i Pravilnikom o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21).

KOMISIJA ZA IZBOR